

ՏՆՏԵՍԱԿԱՆ ՊԱՏՄՈՒԹՅԱՆ 5-ՐԴ ՄԻՋԱԶԳԱՅԻՆ ԿՈՆԳՐԵՍՈՒ

Վերջին շրջանում աշխարհի շատ երկրներում պատշաճ ուշադրություն է դարձվում ոչ միայն տնտեսական զարգացման արդի պրոբլեմներին, այլև նրա պատմության ուսումնասիրմանը։ Դրա վկայություն են ընթացիկ տասնամյակում տնտեսական պատմության միջազգային ասոցիացիայի կոնգրեսները։ Տնտեսական պատմության առաջին միջազգային կոնգրեսը տեղի ունեցավ 1960 թ., Ստոկհոլմում, իսկ հինգերորդը՝ այս տարվա օգոստոսի 10—14-ը, Լենինգրադում։

Ի տարբերություն նախորդների, հինգերորդ կոնգրեսում սոցիալիստական երկրներից ներկայացված զեկուցումների և հաղորդումների տեսակարար կշիռը բավականին բարձր էր։ Մոտ 150 զեկուցումներից և հաղորդումներից 32-ը ներկայացրել էին սովետական, 20-ը՝ սոցիալիստական մյուս երկրների գիտնականները։ Լենինգրադյան կոնգրեսի մյուս առանձնահատկությունը տնտեսական պատմության նախորդ կոնգրեսների համեմատությամբ առավել ներկայացուցչական լինելն էր։ Այստեղ էին հավաքվել աշխարհի մոտ 40 երկրների հազարից ավելի գիտնականներ՝ տնտեսագետներ, պատմաբաններ, սոցիոլոգներ, դեմոգրաֆներ։ Կոնգրեսի 9 սեկցիաներում քննարկվեց շուրջ 24 պրոբլեմ՝ նվիրված տնտեսագիտական մտքի, պլանավորման պատմության, աշխատանքային ռեսուրսների, դրամաշրջանառության և վարկի, Ռուսաստանի ինդուստրիալ զարգացման և այլ հարցերին։ Կոնգրեսի ծրագիրը ընդգրկում էր մարդկային հասարակության քաղաքական, տնտեսական և սոցիալական զարգացման պրոբլեմները հնագույն ժամանակներից սկսած մինչև մեր օրերը։

Կոնգրեսի բացմանը ներածական խոսքով հանդես եկավ տնտեսական պատմության միջազգային ասոցիացիայի վիցե-պրեզիդենտ, ՍՍՀՄ ԳԱ թղթակից-անդամ Վ. Ա. Վինոգրադովը, որը նշեց ժամանակակից գիտության մեջ պատմա-տնտեսագիտական հետազոտությունների կարևոր դերը։ Այդ հետազոտությունների արդյունքներն առավել պարզությամբ և ամբողջությամբ արտացոլում են մարդկային հասարակության առաջընթացը նյութական, սոցիալական, կուլտուրական և այլ բնագավառներում։

Մեծ ուշադրությամբ լսվեց տնտեսական պատմության միջազգային ասոցիացիայի պրեզիդենտ, Լեհ գիտնական, պրոֆ. Վ. Կուլյայի ելույթը։ Նա ընդգծեց արդի պրոբլեմների ստեղծագործական քննարկման կարևորությունը գիտնականների միջազգային համագործակցության ամրապնդման գործում։ ՍՍՀՄ ԳԱ նախագահության անունից կոնգրեսին ողջունեց ակադեմիայի վիցե-պրեզիդենտ, ակադեմիկոս Ա. Մ. Ռոմանյանը։ Տնտեսագետ-պատմաբանների գիտական ավանդի կարևորությունը ժամանակակից գիտության մեջ իր ելույթում ընդգծեց պատմական գիտությունների միջազգային կոմիտեի պրեզիդենտ Պ. Արսենը (Բելգիա)։

Պլենար նիստում լսվեց երկու զեկուցում։ «Վ. Ի. Լենինը և տնտեսագիտությունը» թեմայով հանդես եկավ Վ. Ա. Վինոգրադովը։ Նա հանգամանորեն կանգ առավ տնտեսագիտության ամենատարբեր հարցերին նվիրված Վ. Ի. Լենինի աշխատություններում առաջ քաշված խնդիրների վրա։ Դրանք վերաբերում են կապիտալիզմի զարգացման, ագրարային հարաբերությունների, իմպերիալիզմի տեսության, սոցիալիստական հեղափոխության, նոր տնտեսական քաղաքականության, սոցիալիզմի կառուցման Լենինյան պլանի, մասնավորապես երկրի ինդուստրացման, գյուղատնտեսության կոլեկտիվացման հարցերին։ Զեկուցողը բնութագրեց Լենինի մեծազույն ավանդը մարքսիստական տնտեսագիտության մեջ, ընդգծեց, որ սոցիալիստական հեղափոխության Լենինյան տեսությունը, երկրի սոցիալ-տնտեսական կյանքի վերափոխման, սոցիալիզմի կառուցման պլանը հիանալի կերպով բռնեցին ժամանակի քննությունը։

ՍՍՀՄ ԳԱ թղթակից-անդամ Ա. Ն. Եֆիմովը «Տնտեսական պլանավորման զարգացումը ՍՍՀՄ-ում» զեկուցման մեջ ընդգծեց, որ ներկայումս առաջադիմական զաղափարների մեջ կարևոր տեղ ունի հասարակության տնտեսական զարգացման պլանավորման զաղափարը։ Առաջին անգամ ազգային էկոնոմիկան պլանային սկզբունքով կազմակերպվեց ՍՍՀՄ-ում, որի փորձը գրավեց ամբողջ աշխարհի ուշադրությունը և դարձավ քաղաքակրթության սեփականություն։ Տնտեսության պլանային համակարգը հիմք ծառայեց տնտեսական աճման բարձր և կայուն տեմպերի ապահովման համար, տեմ-

պեր, որոնք հնարավորություն ընձեռեցին պատմական շատ կարճ ժամանակահատվածում մեր երկիրը դարձնել հզոր ինդուստրիալ տերություն: Պլանավորման կազմակերպումը ՍՍՀՄ-ում սովետական իշխանության առաջին տարիներին, նախապատերազմյան հնգամյակների շրջանում, Հայրենական պատերազմի տարիներին և հատկապես ևսպատերազմյան ժամանակաշրջանում, այդ գործում հետագա անելիքները — ահա այն իմաստով, իտպները, որոնց վրա կանգ առավ զեկուցողը Ա. Ն. Եֆիմովը շեշտեց, որ ՍՍՀՄ-ի փորձը վկայում է սոցիալիզմի պայմաններում ասարակական արտադրության դարգացման պլանային մեխանիզմի լիակատար աշխատանքի:

Առանձին պրոբլեմների շուրջը ըստ սեկցիաների տեղի ունեցան նիստեր, որտեղ քննարկվեցին առավել հետաքրքրություն ներկայացնող հարցեր:

Առաջին սեկցիայի (ղեկավար՝ Ա. Վ. Բոաթս, նոտինդհեմի համալսարան, Անգլիա) աշխատանքը նվիրված էր տնտեսագիտական մտքի պատմությանը, ռեֆորմացիայի զարգացման կոնցեպցիան և տնտեսական քաղաքականությունը XVII—XVIII դդ. թեմայի շուրջ զեկուցումով հանդես եկան Ժ. Սպենգլերը և Ու. Ալլենը (ԱՄՆ-ից): Տնտեսագիտական միտքը Ֆրանսիայում XVII—XVIII դդ., մերկանտիլիստական տնտեսության ազդեցությունը Գերմանիայի տնտեսական քաղաքականության վրա երեսնամյա պատերազմից հետո, Ժնեի տնտեսական քաղաքականությունը և մերկանտիլիզմի դոկտրինան (1680—1740 թթ.), տնտեսագիտական միտքը Անգլիայում 1550—1750 թթ. և այլ հարցերի շուրջը ելույթ ունեցան Գ. Ռիչեն (Փարիզ), Ֆ. Ռայլեն (ԳՖՀ), Աննա-Մարիա Պիլուզը (Շվեյցարիա), Ա. Վ. Բոաթսը (Անգլիա) և ուրիշներ:

XIX—XX դդ. տնտեսագիտական մտքի զարգացման վերաբերյալ կարգադրված Տ. Հաշիստեի (Անգլիա) զեկուցման մեջ ընդգծվեց տնտեսական զագափարների ազդեցությունը քաղաքականություն վրա: Հետաքրքրությամբ լսվեցին Ա. Գ. Միլեյկովսկու (Մոսկվա), Կ. Գ. Գուզովի (ԱՄՆ), Զ. Սուգիյամայի (Ճապոնիա), Հ. Ուիլյամսոնի (ԱՄՆ), Պ. Բարրուլի (Իտալիա), Դ. Ուիլյ (Անգլիա) հաղորդումները նշված արցի մասին:

Երկրորդ սեկցիան (ղեկավար՝ պրոֆ. Յա. Մարշալի, Փարիզ) զբաղվեց պլանավորման պատմության հարցերով: Այստեղ ուշադրություն դարձվեց երկու հիմնական հարցի վրա. ա) պլանավորման սկզբնավորումը և զարգացման փուլերը, բ) պլանավորման դերը տնտեսական զարգացման գործում: Զեկուցեցին Յա. Մարշա-

սկին և Վ. Ֆալկը (ԳՖՀ), առաջինը՝ պլանավորման մեթոդների էվոլյուցիայի մասին, երկրորդը՝ սոցիալիզմի պայմաններում տնտեսական զարգացման գործում պլանավորման դերի մասին: Զեկուցողները և հաղորդումներով հանդես եկողները նշեցին, որ տնտեսական պլանավորման առաջին փորձը Վ. Ի. Լենինի մշակած ԳՈՒՆՈ-ի պլանն էր: Գ. Մ. Սորոկինի, Պ. Ն. Պերշինի, Ա. Գ. Կուրսկու, Լ. Յա. Բերրիի (Մոսկվա), Վ. Ֆալկի (ԳՖՀ) ելույթներում քննադատական վերլուծության ենթարկվեցին արևմտյան որոշ կոնցեպցիաներ՝ պլանավորման ծագման և նրա դերի գնահատման հարցում: Նրանք մասնավորապես շեշտեցին պլանավորման դերը երկրի տնտեսական զարգացման տեմպերի արագացման, բնակչության բարեկեցության աճման, պլանի շրջանակներում ձեռնարկությունների ինքնուրույնության մեծացման գործում: Բուրժուական տեսարանները միշտ էլ ձգտել են գործը այնպես պատկերել, որ իբր պլանավորումը սոցիալիզմի առանձնահատկությունը չէ, այլ գոյություն է ունեցել հազարամյակներ շարունակ՝ սկսած նախադարյան համայնական կարգերից: Նրանք հատկապես շեշտը դնում են կապիտալիզմի պայմաններում պլանավորման ծավալման վրա: Այդ տեսակետից բացառություն չկազմեց և Լենինգրադյան կոնգրեսը: Բանավեճի մեջ մտնելով բուրժուական երկրների տնտեսագետ-պատմաբանների դեմ, սոցիալիստական երկրների գիտնականները ապացուցեցին պլանային տնտեսության, պլանավորման իրականացման անհրաժեշտությունը միևսոցիալիստական հասարակարգերում: Առանձնապես նպատակաշար էր Գ. Սորոկինի ելույթը: Նա մեջբերումներ արեց բուրժուական տեսարաններ՝ անգլիացի Զոնստեի, ամերիկացի Բիրդի, որոնցից առաջինի պնդմամբ պլանավորմամբ զբաղվել են դեռ Քրիստոսի ժամանակներում (նկատի ունենալով այն առասպելը, որ վերջինս հազար մարդու շարքերով նստեցնելով կանաչ խոտի վրա, կազմակերպված ձեռք կերակրել է նրանց, ընդ որում ըստ պլանի): Իսկ ըստ Բիրդի, պլանավորումը կապիտալիզմի ուղեկիցն է: Սովետական գիտնականը ցույց տվեց, որ պլանավորումը, պլանային տնտեսությունը անհարիր են կապիտալիստական անարխիայի հետ և հատուկ են միմիային սոցիալիզմին ու կոմունիզմին: Նշեց նաև, որ պլանավորման տեսությունը ծնունդ է առել XIX դ. կեսերին՝ Մարքսի և Էնգելսի աշխատություններում, իսկ պլանային պրակտիկան՝ ավելի ուշ: Պլանավորման առաջին փորձ կատարողը եղել է Փարիզի կոմունան:

Երրորդ սեկցիայում (ղեկավար՝ պրոֆ. Պ. Գեպրե, Կանադա) քննարկվեցին աշխատանքա-

յին ռեսուրսներին վերաբերվող պրոբլեմները, ընթացիկ աշխատանքային ռեսուրսներին նվիրված նախկին նիստերը զուտ պատմական բնույթ ունենին, ապա այս անգամ դրան ղուղընթաց շոշափվեցին նաև հեռանկարային հարցեր: Աշխատանքի բաժանման պրոբլեմը և աշխատուժի ներքին միջավայրի քննարկվեց որպես առանձին հարց (ղեկուցող՝ Ռ. Մաթիսիս, Կանադա): Պրոբլեմի առանձին կողմերի մասին ելույթ ունեցան Վ. Ի. Պերեբեդենցը (Մոսկվա), Գ. Վաթսերը (ԱՄՆ), Զ. Կրիշնամուրտին (Հնդկաստան), Ն. Վուկոն (Հարավսլավիա) և ուրիշներ, Բավականին հետաքրքիր անցավ նաև միջազգային միջրազմի պրոցեսների հարցի քննարկումը (գեկուցող՝ Պ. Դեպրե):

Ձորագող սեկցիայում (ղեկավար՝ պրոֆ. Ռ. Գեբուլեր, Նյու-Յորք) ուշադրության կենտրոնում էին դրամաշրջանառության և վարկի պրոբլեմները: Ռ. Գեբուլերը և Ռ. Փամբոնը (ԱՄՆ) խոսեցին կապիտալիզմի սկզբնավորման պայմաններում բանկային վարկի, տնտեսական զարգացման գործում նրա խաղացած դերի մասին: Գ. Վան դեր Վեեի (Բելգիա), Վ. Ֆոն Ետրոմերի (ԳՖՀ), Մ. Գ. Բյուխտի (Նիդերլանդներ) գեկուցումները վերաբերում էին միջազգային ֆինանսական հարաբերություններին 1550—1850 թթ. ընկած ժամանակաշրջանում: Մասնավորապես Բյուխտը հետաքրքիր տվյալներ բերեց կապիտալի հոլանդական շուկայում XVIII դ. վերջին քառորդում Ռուսաստանի երևան գալու մասին: Ամերիկյան գիտնականներ Ռ. Ռոբերտսոնի, Պ. Լինդերթի, Պ. Արբահամսի, Ա. Սթոթթի գեկուցումները նվիրված էին վերջին հարյուրամյակի միջազգային ֆինանսական հարաբերություններին և վալյուտային սիստեմի պատմությանը:

Հինգերորդ սեկցիայի (ղեկավար՝ պրոֆ. Զ. Վ. Ուդալցով, Մոսկվա) աշխատանքը նվիրված էր ֆեոդալական սեփականության առաջացման պրոբլեմին: Այստեղ լսվեցին երեք գեկուցում և 10 հաղորդում ֆեոդալական սեփականության ձևերի էվոլյուցիայի մասին: Բովանդակալից գեկուցումներով ու հաղորդումներով հանդես եկան Ա. Ռ. Կորսունսկին, Վ. Դ. Կորոլյուկը (Մոսկվա), Եթի Տոպոլսկին (Լեհաստան), Ն. Ե. Նոսովը (Լեհիսլավիա), Ի. Կարամանը (Հարավսլավիա), Խ. Կ. Տակախասին (Տոկիո), Գ. Գ. Կոտովսկին (Մոսկվա):

Վեցերորդ սեկցիայում (ղեկավար՝ պրոֆ. Գ. Քելլենբենց, Քյոլնի համալսարան, ԳՖՀ) քննարկվեցին Եվրոպայի և Ասիայի միջև նախքան երկաթուղային հաղորդակցության ստեղծումը եղած ցամաքային առևտրական հարաբերությունների հարցերը: Դրանք էին՝ առևտրական հարաբերությունների զարգացումը Եվրոպական

մայր ցամաքում՝ Արևմտյան և Արևելյան Եվրոպայի միջև, Նույնը Եվրոպայի և Ասիայի միջև, ցամաքային առևտրական ուղիների հետադուրման մեթոդական և աղբյուրները: Առաջին հարցի շուրջ գեկուցեց պրոֆ. Քելլենբենցը: Հաղորդումներով հանդես եկան Մ. Մալովստը (Վարշավա), Ա. Ատմանը (Շվեդիա), Ու. Կիրխները (ԱՄՆ) և ուրիշներ: Ի. Պ. Շասկուսկին (ՍՍՀՄ) ընդհանրացնելով նորագույն տվյալները, նշեց, որ XVI—XVII դդ. Ռուսաստանի արտաքին առևտրի զարգացման գործում հիմնական դերը խաղացին բալթիական և Հյուսիսային սառևտրական ուղղությունները: Երկրորդ հարցի մասին հետաքրքիր հաղորդումներով հանդես եկան Դ. Լ. Մուսխելիշվիլին (Թբիլիսի) և Ս. Տ. Երեմյանը (Երևան):

Առանձնապես ուշադրավ էր ընդունվում Ա. Տ. Երեմյանի հաղորդումը «Հայաստանի և Հայ վաճառականության գերը Եվրոպայի և Ասիայի միջև առևտրի զարգացման գործում մինչև XIX դ.» թեմայով: Հայ գիտնականը հանգամանորեն կանգ առավ Եվրոպայի և Ասիայի երկրների միջև առևտրի զարգացման գործում Հայաստանի և Հայ վաճառականության դերի գնահատման վրա՝ սկսած մ. թ. ա. երկրորդ հազարամյակի սկզբից մինչև XIX դ.: Բերեց տեղեկություններ Ստրաբոնից, Հերոդոտից, որոնք շեշտել են Հայերի դերը առևտրի ծավալման, տարբեր երկրների հետ կապերի ընդլայնման գործում: Հայաստանի աշխարհագրական բարենպաստ դիրքը նրան դարձրել էր Արևելքի և Արևմուտքի առևտրական ճանապարհների հանգուցակետը: Դա առանձնապես նկատելի է եղել Ուրարտուի ծաղկման, Արտաշեսյան և Հայ Արշակունյաց թագավորության շրջանում: Բազրատունիների ժամանակ առաջացան առևտրի ու արհեստների նոր կենտրոններ՝ Անին, Կարսը և այլն: X դ. սկսած Հայ վաճառականները Վոլգայով և Դնեպրով թափանցեցին Ռուսաստանի խորքերը: Նրանք մեծ դեր խաղացին Ոսկե Հորդայի և հատկապես Սուլդայի, իսկ Բազրատունիների ժամանակ առաջացան առևտրական շրջանառության գործում: Մոնղոլական և հետագա արշավանքներից հետո մեծ լափերով տուժեցին առևտուրը և արհեստները, ավերվեցին քաղաքները: XVII դ. վերջերից Հայ վաճառականությունը հիմնականում սկսեց գործել Հնդկաստանում (Մադրաս) ընդհուպ մինչև Արևելյան Հայաստանը Ռուսաստանին միացնելը (1828 թ.):

Յոթերորդ սեկցիայում (ղեկավար՝ պրոֆ. Խ. Վ. Պելեետ, Լեյդենի համալսարան, Հոլանդիա) բովանդակալից գեկուցումներ և հաղորդումներ լսվեցին նվիրված հին աշխարհի տնտեսական պատմությանը, մասնավորապես, Հին

Արևելքի երկրների դրամին, առևտրին, վարկին և քաղաքային տնտեսությունը Այստեղ ջննարկվեցին նաև հունա-հռոմեական աշխարհի դրամական տնտեսության, ինչպես նաև ստրկական աշխատանքի արտագրողականության պրոբլեմները Պրոֆ. Ա. Լ. Օպենհեյմը (ԱՄՆ) զեկուցեց Մերձավոր Արևելքի հնադրյան առևտրի մասին, իսկ Ժ. Պ. Կալլյուն (Ֆրանսիա)՝ հռոմեական շասարակության մեջ (կայսրության շրջանում) փողի ֆունկցիաների մասին։ Մեծ ուշադրությամբ լսվեց Դոն աշխարհի պատմության դիտակ, սո-վիետական գիտնական Ի. Մ. Դյակոնովի ելույթը Հին Արևելքի քաղաքային տնտեսության մասին։ Այն վերաբերում էր մ. թ. ա. Երրորդի երկրորդ հազարամյակին։ Գիտնականը առաջ քաշեց մի շարք նոր դրույթներ, որոնք կապված էին Բաբելոնի քաղաքային տնտեսության հետ և ցույց տվեց, որ Արևելքում ևս, ինչպես Աթենքում, ու շուտով, տնտեսական կյանքի կենտրոն հասարակում էին ոչ թե տաճարները, այլ քաղաքները։ Ասորական քաղաքային տնտեսությանը, իր նվիրված Մ. Լ. Գելցերի (ՍՍՀՄ) հաղորդումը Սեկցիայի եզրափակելի նիստում, որտեղ շոշափվեց շունաստանում և շուտով ստրկական աշխատանքի արտագրողականության հարցը, ելույթ ունեցան Կ. Մ. Կուրոպյան (ՍՍՀՄ), ծեփ Կուլենդոն (վարչական), Ե. Բիքերմանը (Կուլուս-րիայի համալսարան, ԱՄՆ)։

Ուրբերոգ սեկցիայում (ղեկավար՝ պրոֆ. Պ. Վիլար, Սորոնի համալսարան, Փարիզ) քննարկվեցին տնտեսական և սոցիալական կառուցվածքի մոդեռնացման պրոբլեմները բազմակացութեան էկոնոմիկայի պայմաններում: Զեկուցումով հանդես եկավ պրոֆ. Վիլարը, Բաշավենի, Մասնակցեցին Տ. Կ. Սմաուրը (Շոտլանդիա), Մ. Սորինյան (Ֆրանսիա), Խ. Պերկինը (Անգլիա), Վ. Դյուդարոսիան (Լեհաստան), Կ. Տարնովսկին (ՍՍՀՄ) և ուրիշներ:

Ուշագործյան կնեստրոնում էր XIX—XX դդ. Ռուսաստանի ինդուստրիալ զարգացման հարցը, որի շուրջ զեկուցեցին Վ. Ի. Բովկինը (Մոսկվա) և Ա. Դ. Բորոբիկինը (Լենինգրադ)։ Նրանք առաջին զեկուցումը նվիրած էր Ռուսաստանի ինդուստրիալ զարգացմանը սկսած ճորտատիրական իրավունքի վերացումից մինչև ձևակերպման հեղափոխությունը, ապա Բորոբիկինը խոսեց Սովետական Միության ինդուստրիալ զարգացման մասին։

Սեկցիայում նշված հարցերի շուրջ հաղորդումներով հանդես եկան Վ. Զ. Դրորիժևը (Մոսկվա), Ու. Տրոիշը (ԳՖՀ), Ա. Ս. Սումբատյադան (Բաբույ)։ Ա. Ա. Առաքելյանը (Երևան)՝ ՆՍՍՀ ԳԱ ակադեմիկոս Ա. Առաքելյանը կանառակ սովետական Հայաստանի ինդուստրիալ զարգացման ընթացքի, նրա առանձնահատկությունների վրա։ Նշեց այն խոշոր նվաճումները, որոնք ձեռք է բերել Հայաստանը սովետական իշխանության տարիներին, ինչպես նաև մասնակցեց ինդուստրացման բնորոշման, նրա ժամկետների հարցի շուրջ ծավալված քանակական

ԻՆՏԵՐՆԵՐՈՂ սեկցիայի (զեկավար՝ պրոֆ. Ժ. Գլաման, Կոպենհագեն, Դանիա) աշխատանքը նվիրված էր տնտեսական երևույթների հետազոտման մեթոդիկայի և մեթոդաբանության հարցերին: Մեթոդաբանության մասին զեկուցեցին Ի. Բրենդեյս և Գ. Ռանկին (Բուլղարիա): Դրան զուգընթաց ե. Գլամանը ֆրանսիական գիտնականների կոլեկտիվ զեկուցումը տվյալների հավաքման ու մշակման կոորդինացման մասին Պրոֆ. լե Ռուա Լադյուրին առաջարկեց, որ ինֆորմացիայի հավաքումը կատարվի միջազգային հիմնադրով՝ լեկտորնային հաշվիչ մեքենաների համար՝ նա նշեց, որ տնտեսական պատմության ուսումնասիրությունը ներկայումս անհնար է առանց լեկտորնային հաշվիչ մեքենաների: Բոլոր ելույթ ունեցողներն արտահայտվեցին Լադյուրիի առաջարկության օգտին: Էստոնացի գիտնականներ Խ. Պալլին և Ցու. Կախկը պատմեցին պատմաբանների և կիրքերենտիկների համագործակցության արդյունավետ փորձի մասին:

Եզրափակիչ պլենար նիստում հանդես եկան
կոնգրեսի պրեզիդենտ Վ. Ա. Վինոգրադովը և
սեկյիանների ղեկավարները:

Տնտեսական պատմության միջազգային ասոցիացիայի զլխավոր աստարքեան ասոցիացիայի նոր պրեզիդենտ ընտրեց դանիացի անվանի գիտնական, Հարավային Ասիայի երկրներին տընտեսական պատմության մասնագետ պրոֆ. Ջրիստոֆ Գլանմանին: Պրոֆ. Վ. Կոպլան ընտրըվեց ասոցիացիայի պատվավոր պրեզիդենտ:

Տնտեսական պատմության հաջորդ (վեցերորդ)
միջազգային կոնգրեսը կկայանա 1974 թ. Դա-
նիայի մայրաքաղաք Կոպենհագենում:

Լ. Զ. ԱՆԱՆՅԱՆ